

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine F BiH ", broj 12/03, 34/03 i 65/13) i član 6. Odluke o standardima i kriterijima za izbor i imenovanje članova skupštine javnih preduzeća („Službene novine Općine Jajce“, broj: 2/13), Komisija za izbor u regulirana tijela Općine Jajce objavljuje

JAVNI KONKURS

za izbor i imenovanje članova skupštine javnih preduzeća kojima je osnivač općina Jajce, i to:

I. Jedan član Skupštine JKP " Vodovod i kanalizacija ", Jajce

II. Dva člana Skupštine JKP " Čistoća i zelenilo ", Jajce

III. Opis poslova:

Skupština Javnog komunalnog preduzeća " Vodovod i kanalizacija " Jajce odlučuje o:

- donošenju Statuta, njegovim izmjenama i dopunama
- raspodjeli godišnje dobiti i pokriću gubitaka
- povećanju i smanjenju osnovnog kapitala
- osnivanju novih preduzeća
- planu poslovanja i investiranju
- Etičkom kodeksu i Poslovniku Skupštine
- Imenovanju i razrješenju Nadzornog odbora i Odbora za reviziju
- Usvajanju godišnjeg izvještaja preduzeća koji uključuje finansijski izvještaj i izvještaj revizora, Nadzornog odbora i Odbora za reviziju
- Promjeni oblika i podjeli preduzeća, uz saglasnost osnivača
- Naknadama članovima Nadzornog odbora i Odbora za reviziju
- Ostalim pitanjima u skladu sa važećim propisima

Najmanje jedanput godišnje, Skupština preduzeća podnosi izvještaj Općinskom vijeću.

Skupština Javnog komunalnog preduzeća " Čistoća i zelenilo " Jajce odlučuje o:

- Poslovnoj politici i strategiji razvoja preduzeća
- Usvajanju godišnjeg izvještaja preduzeća koji uključuje finansijski izvještaj i izvještaj o radu Nadzornog odbora
- Rasporedu dobiti
- Načinu pokrića gubitaka
- Povećanju i smanjenju osnovnog kapitala, nakon pribavljene saglasnosti Osnivača
- Promjeni firme, sjedišta i djelatnosti preduzeća
- Usvajanju Statuta preduzeća
- Spajanju sa drugim preduzećima i pripajanju drugih preduzeća preduzeću ili preduzeća drugom preduzeću, nakon pribavljene saglasnosti osnivača
- Promjeni oblika i podjeli preduzeća, nakon pribavljene saglasnosti Osnivača
- Prestanku preduzeća sa provođenjem likvidacije i o odobravanju početnog likvidacionog bilansa i završnog računa po okončanju postupka likvidacije nakon pribavljene saglasnosti Osnivača
- Kupovini, prodaji, razmjeni, uzimanju ili davanju u lizing, uzimanju ili davanju kredita, i drugim transakcijama direktno ili posredstvom supsidijarnih preduzeća, u toku poslovne godine u obimu većem od trećine knjigovodstvene vrijednosti imovine preduzeća po bilansu stanja na kraju predhodne godine kao i takvoj transakciji u manjem obimu za čije odobrenje je ovlašten Nadzorni odbor, ako on takvu predloženu transakciju nije odobrio
- Izboru i razrješenju članova Nadzornog odbora pojedinačno
- Izmjenama i dopunama odredaba Statuta
- Poslovniciima koji su po zakonu izuzeti iz nadležnosti Nadzornog odbora za njihovo donošenje

- Etičkom kodeksu na prijedlog nadzornog odbora
- Planu poslovanja, odnosno revidiranom planu poslovanja preduzeća, na prijedlog Nadzornog odbora, a u skladu sa članom 23. Zakona o javnim preduzećima FBiH
- Drugim pitanjima pitnim za poslovanje preduzeća, u skladu sa zakonom i ovim Statutom

IV. Mandat članova skupštine je četiri (4) godine, sa mogućnošću ponovnog imenovanja.

V. Opći uvjeti:

Svi kandidati za poziciju člana skupštine preduzeća koji su predmet ovog javnog konkursa moraju ispunjavati sljedeće

opće uvjete:

- da su državljani Bosne i Hercegovine
- da su stariji od 18 godina, ali ne stariji od 65 godina
- da nisu otpušteni iz državne službe kao rezultat disciplinske mjere na bilo kom nivou u Bosni i Hercegovini u periodu od tri godine prije dana objave upražnjenog položaja,
- da nisu osuđivani za krivično djelo ili privredni prestup, koji predstavlja smetnju za imenovanje na upražnjenu poziciju, u roku od 5 godina od dana izdržane, izvršene, zastarjele ili oprostene kazne,
- da im odlukom suda nije zabranjeno obavljanje aktivnosti na poziciju na koju se kandiduju,
- da nisu na dužnosti u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine ("Službene novine F BiH ", broj 12/03, 34/03 i 65/13)
- da se na njih ne odnosi član IX. 1. Ustava Bosne i Hercegovine,
- da nisu izabrani zvaničnici nosioci izvršnih funkcija ili savjetnici u smislu odredaba Zakona o sukobu interesa u organima vlasti u Federaciji BiH („Službene novine BiH“ , broj 70/08)

VI. Posebni uvjeti:

- da imaju najmanje srednju školsku spremu,
- da imaju radno iskustvo najmanje jednu godinu
- da nemaju privatni finansijski interes u preduzeću
- da nisu članovi upravnog odbora/vijeća u više od jednog javnog preduzeća, odnosno javne ustanove,
- da posjeduje sposobnost za savjesno, odlučno i odgovorno obavljanje povjerene funkcije
- da posjeduju znanja i sposobnost razumijevanja poslovnih izvještaja i poznavanje propisa koji se primjenjuju u radu i poslovanju javnih preduzeća
- da posjeduje sposobnost i nepristrasnost donošenja odluka
- da je naklonjen timskom radu

VII. Potrebni dokumenti:

Prijava na javni konkurs treba biti potpisana i sadržavati oznaku skupštine javnog preduzeća na koju se kandidira, kratku biografiju, adresu i kontakt telefon.

Uz prijavu se prilažu originalna ili ovjerena fotokopija dokumenata:

- popunjena i ovjerena Izjava (obrazac Izjave se može preuzeti u pisarnici Općine Jajce)
- uvjerenje o državljanstvu
- uvjerenje o nekažnjavanju
- ovjerena kopija diplome
- uvjerenje o radnom iskustvu u struci (samo iznimno se prihvata ovjerena kopija radne knjižice uz ovjerenu Izjavu o radnom iskustvu u struci koja odgovara kopiji radne knjižice i to u slučajevima kada se ne može pribaviti navedeno uvjerenje iz opravdanih razloga npr. ne postojanje ranijeg poslodavca i sl.)

S kandidatima koji budu ispunjavali sve potrebne uvjete iz Javnog konkursa bit će obavljen intervju.

VIII. Ostale napomene:

Rok za podnošenje prijava je 15 dana, a računa se od datuma zadnje objave konkursa u " Službenim novinama Federacije Bosne i Hercegovine ", odnosno dnevnom novinskom listu .

Prijave sa dokumentacijom mogu se dostaviti u zatvorenoj koverti u pisarnu Općine ili preporučeno poštom na adresu:

Općina Jajce, ul. Nikole Šopa bb., Jajce

Komisija za izbor u regulirana tijela Općine Jajce uz naznaku

" Prijava na javni oglas za člana Skupštine JKP »Čistoća i zelenilo» d.o.o. Jajce – ne otvarati ili

" Prijava na javni oglas za člana Skupštine JKP »Vodovod i kanalizacija» d.o.o. Jajce – ne otvarati.

Neblagovremene i nepotpune prijave neće se uzimati u razmatranje.

Komisija će uz poštivanje principa utvrđenih Zakonom sastaviti rang – listu kandidata i proslijediti je Općinskom vijeću radi konačnog imenovanja.

**Komisija za izbor
u regulirana tijela Općine Jajce
Ismet Vereget, predsjednik**